



Santa Maria, RS, Brasile, el 24 marso 2020

A'l dott. Alessandro Mocellin,
Prezidente de la Academia de la Bona Creansa

Cari amighi de la Academia de la Bona Creansa,


Inte'l lujo 2018, la Univarsità Federale de Santa Maria (UFSM), traverso el Programa Master in Educasion Profesionale e Tecnolòzega (PPGEPT) e el Projeto de Estension Talian CTISM/UFSM, la ga firmà un Acordo de Cooperasion Sientifega Internasionale co la Academia de la Bona Creansa, co l'obietivo de zvilupar scambio e reserche sientifeghe, stòreghe, linguisteghe e culturale so la granda imigrasion da'l nord Italia verso el Brasile, in spesiale cueła da la fine otosento.

Tra tante atività insieme, gavemo organizà el Primo Seminario Internasionale Talian, la Gramàtega de Scarseła de la Lengua Veneta, un corso de Lengua Veneta par profesori e resercadori de la UFSM, e tante confarense inte la UFSM e anca inte le comunità de la "Quarta Colônia" de Imigrasion Italiana de'l Stado de'l Rio Grande do Sul-Brasile. Gavemo anca partesipà de'l Segundo Convenjo Internasionale de la Lengua Veneta a Arzenjan (VI), inte'l meze marso 2019 traverso de na video parlada.

Cusita, in mezo a la pandemia de'l novo Coronavirus (COVID-19), momento de dificoltà inte'l mondo intiero, ma sora de tuto par l'Italia e par la vostra rejon de'l Veneto, A volemo esprimer la nostra solidarietà a la Academia de la Bona Creansa, a la fameja e a i amighi e anca a tuto el Veneto e l'Italia. A ze 'sto cuà el deziderio de che tuto posa tornar a'l stado normale de le robe el pì presto possibile.

Salute a tuti!


Prof. Me. Marcos Daniel Zancan
Coordenador de'l Projeto Talian/CTISM


Prof.ª. Dr.ª. Claudia Smaniotto Barin
Coordenadora de'l PPGEPT/UFSM

